

بۇيۇك مىللىي مەجلىسى  
شەيخىزادىلىرى

اللى دردىنچى انعقاد

۲۹ مارت ۱۹۲۸ پرشنبه

مندرجات

صفحة	موضوع	صفحة	موضوع
۶۹	وكالندن شفاهى سؤال تقررې	۶۶	۱ — مابىر ضبط خىصوصى
۶۹	۵ — مذاكره ايدىلغى مراد :	۶۶	۲ — مواله ايدىلغى اوراق
	۱ — استانبول مبعوثى ثريا پاشانك مملكتتمزده	۶۸	۳ — رياست دىوانىك هيئت عمومىيە تهررضانى
	احراى فعاليت ايدىن بالعموم بانقهلرك اجنىي پاراسيله		۱ — قابوناژ قانونىك ايكنجى ماده سننك
	معامله واقراض ياپه ميه جفلرينه دائرچچ نومرولى تكابف		تفسىرى حقنده كى تذ كره نك اعاده سنه دائرناش وكالت
۶۹	قانونىسى وردينه دائر تجارت وماليه انجمنلرى مضبطه لرى	۶۸	تذ كره سى
	۲ — طبابت وشعباتى صنعتلرينك طرز اجراسى	۶۹	۴ — سؤاللىر
	حقنده چچ نومرولى قانون لايحه سى و صحيه عدليه		۱ — بعض اوراق رسميه به الصاف ايدىلغى حمايه
۷۰	انجمنلرى مضبطه لرى		اطفال پولارى حقنده بولى مبعوثى شكرى نكك ماليه

## ۱ - سابق ضبط خلاصہ ہی

اللی اوچنچی انعقاد

۱۵ مارت ۱۹۲۸ پرشنبہ

- حسن بک ریاستلرندہ کساد ایدیلہرک دیاربکر مبعوثی رشدی بک تحلیفی اجرا ایدلدکن صوکرہ برشخصک اعدامی حقندہ کی عدلیہ انجمنی مضبوطی مداخلہ و قبول ایدلدی .
- عیرمبادلرہ ویریلہجک اموال غیر منقولہ حقندہ کی قانون لایحہ سنک برنجی مذاکرہ سی اجرا و اجرا فانونہ بعض مواد علاوہ سی حقندہ کی قانون لایحہ سی دخی مذاکرہ و ہیئت عمومیہ سی قبول ایدلدکن صوکرہ انعقادہ ختام <sup>۱۳۸۱</sup> ویرلدی .

## ۲ - حوالہ ایدیلین اوراق

لایحہ لر

- ۱ - آنقرہ دہ انشا بیلہرک وکالت و درابرنا بیلہ  
مأمورہ آیات عثمانلری حقندہ قانون لایحہ سی  
(بودجہ انجمنہ)
- ۲ - اردو، محبہ و زائرانہ ضابطانہ و مأمورہ برنجی حقندہ کی  
قانونک بشنبی مادہ سنک تعریفہ دأر قانون لایحہ سی  
(مدافعه ملیہ و بودجہ انجمنلرینہ)
- ۳ - اردو ضابطانہ مختصرہ سی ترفیع قانونک بعضہ  
مادہ لرینک تعریفی حقندہ قانون لایحہ سی  
(مدافعه ملیہ انجمنہ)
- ۴ - استانبول ایلہ آنقرہ آرہ سنندہ تاسیر تلفونہ اجرا  
ایدیلہرک غیر رسمی مادہ اجرنہری حقندہ قانون لایحہ سی  
(داخلیہ و بودجہ انجمنلرینہ)
- ۵ - اوقاف مدبریت عمومیہ سنک ۱۹۲۸ سنسی بودجہ  
قانونی لایحہ سی  
(بودجہ انجمنہ)
- ۶ - صحیح و معاونت اجتماع وکالت ۱۹۲۷ سنسی  
بودجہ سنندہ مناقبہ اجرائہ دأر قانون لایحہ سی  
(بودجہ انجمنہ)
- ۷ - طابو مدبریت عمومیہ سنک ۱۹۲۷ سنسی
- بودجہ سنندہ مناقبہ اجرائہ دأر قانون لایحہ سی  
(بودجہ انجمنہ)
- ۸ - عسکری شوقور و صنعتکارلرہ و بیلہرک بومہ  
حقندہ قانون لایحہ سی  
(مدافعه ملیہ و بودجہ انجمنلرینہ)
- ۹ - مدافعه ملیہ وکالت ۱۹۲۷ سنسی بودجہ سنندہ  
مناقبہ اجرائہ دأر قانون لایحہ سی  
(بودجہ انجمنہ)
- ۱۰ - بوکسک مرندسی مکنتبک شخصیت حکمگیری  
ہائر اولسی حقندہ لایحہ سی  
(نافعہ و بودجہ انجمنلرینہ)  
تکلیف لر
- ۱۱ - آنطابہ مبعوثی احمد ساقی بک و رفقا سنک ،  
قارشلرغی اولاد لرغی مالہرہ خیروف قانونہ بیلک کشمیرہ ایدندرہ  
جزا لرینیبی ایچورہ نجات قانونک ۶۱۰ نجی مادہ سنہ برفقہ  
عمودہ سنہ دأر تکلیف قانونیسی  
(عدلیہ انجمنہ)
- ۱۲ - قونیمبعوثی احمد محمدی بک و ایکی رفیقنک ،  
زراعت اولدری تشکیلہ دأر تکلیف قانونیسی  
(زراعت و عدلیہ انجمنلرینہ)

تذکره لړ

- ۱۳ - صاصونك سمبر بك همدسندره مسو ارغلي صبرنك اعدامې هقنده باسه وطات تذکره سی (تجارت انجمنه)
- ۱۴ - تسکه وزاوبه لړ له نېه لړك سږینه ونېه دارلقام ابله بر طاقم عنوانلرك منع رالفاننه دار قانونه مو بهېه سر اېرېلې تګلېر ك شونك وزاوبه دارلقام نك الفاسېله متولېكطری شیخ وزاوبه دار لړه مشروط بعصه رفقار نولېنك مرتفع اولوب اولر اېنك تفسیری هقنده باسه وطات تذکره سی (عدلیه ، داخله و بودجه انجمنلرینه)
- ۱۵ - نونوه اداره موقنسی وسېفاره لارغری انحصاری هقنده کی قانونك اونه بشېجې ماده نك تفسیر بنه دار باسه

وطات تذکره سی

- (مالیه و بودجه انجمنلرینه)
- مضبطلر
- ۱۶ - هککه نمیز تشکېلاتك نوسېی هقنده ۳۳ نومردی قانونه لارغسی و عدلیه و بودجه انجمنلری مضبطلری (روزنامه یه)
- تقریرلر
- ۱۷ - سیواس مبعوثی ابراهیم علاءالدین بك ، بودجه لرك انحصاصی انجمنلر بنه ده تقریر اولونمې هقنده تقریری (بودجه و تشکېلات اساسیه انجمنلرینه)

## برنجی جلسه

آهېمه ساعتی

دقیقه ساعت

۲۵ ۱۴

[ رئیس - عصمت بك ]

کاتبلر : اسحق رأفت بك ( دياربکر ) ، نجیب علی بك ( دکزلی )

دولتک اک مهم بر قانونیدر و برسنه ایچنده مجلسک اک مهم بر موضوع اشتغالی تشکيل ایدر و مجلس عالی آنجق بودجه تدقیقی واسطه سیله تشریحی وظیفه سنک اک مهم قسمنی ایفا ایده بیلیر و بالخاصه دولت مؤسسانی ، دولت دوائری اوزرنده کی قدرتی ، اجرا آتی وجوده کتیره بیلیر . بودجه انجمنی مختلف دوائر بودجه لرنی تدقیق ایدرکن یالکز پاره مسئله سنی و ایشک یالکز موازنه مالییه تعلق ایدن نقطه سنی دریش ایتشدرودرپیش ایتک لازمدر . حالبوکه تشکيلاتمز منتظم اولمادینی ایچون ، تشکيلات حقنده قانونلر مز بولونمادینی ایچون طبیعتیله بودجه

رئیس - جلسه آچیلدی .  
 ابراهیم علاءالدین بك (سیواس) - روزنامه خارجنده بر نقطه عرض ایده جکم .  
 رئیس - به یه عائد ؟  
 ابراهیم علاءالدین بك (سیواس) - بودجه انجمنک دولت تشکيلاتنه عائد وظائفی حقنده بعض نقطه لر عرض ایده جکم . ( کرسی به سسلری )  
 اقدام ، معلوم عالیکز درکه ؛ موازنه عمومیه قانونی بودجه انجمننده تدقیق ایدلشدر و یاقینده هیئت عمومیه به سوق ایدله جکدر . ابضاحه حاجت یوق که بودجه قانونی ،

انجمنی برسنه ظرفنده هر هانکی دائره دولتک اجراآت و تشکیلاتی ده نظر دقتدن کچیریور . بودجهده متخصص بولنان ذواتک، دواژ دولتک مختلف صرفیات و تخصیصات اقسامی حقنده کی رأیبری البته مشمر و مهمدر . آنجق مادام که ؛ ایش اجرا و تشکیلاته تعلق ایدیور . اوزمان یالکیز بودجه انجمنی دکل، تشکیلاتن داخلنده اختصاص انجمنلری ده علاقه دار ایده جک مسائل تحدت ایدیور . یعنی بودجه انجمنی فلان نوع ایشک بوسنه ظرفنده کورولسی لازمکلمی ؟ فلان نوع تخصیصات عجیبا محنه مصر و فیدر ؟ بونلر حقنده رأی ویریور و اجرا آتک شو نوعی خیرلیدر ، بونوعی خیرلی دکلدر کی مسائلده اوراده . موضوع مناقشه اولیور . بالطبع بودجه انجمنی اعضاسی بو خصوصده کافی درجهده مشغول اولامیه جندن و ذاتاً بو خصوصاتی تعمیق ایتمه کده نفس الامر مساعده ایتیه . جکندن بودجه کی ، مجلسک<sup>۱</sup> اک مهم بر موضوع اشتغالی کافی درجهده وضوح ایله ، کافی درجهده سلامتله تدقیق ایدلمه مش اولیور . دیگر جهندن مجلسک اختصاص انجمنلری بودجه کی اک مهم بر مسئلهده هیچ علاقه دار بولمیور . فی الحقیقه داخلی نظامنامه مانع دکلدر و هر هانکی اختصاص انجمنه داخل اولان اعضا بودجه انجمنه کیدر و رأینی بیان ایدر . رأیه اشتراک ایتمه مک صورتیله فکری مفیدایسه فکرنندن استفاده ایتدیرر . آنجق هر دائره بودجه سی یالکیز پاره مسئله سندن دکل بالخاصه اختصاصه تعلق ایدن اجراآت و تشکیلات نقطه سندنده عاقد اولدینی ، متناظر بولندینی اختصاص انجمنه تدقیق ایدیه جک . اولورسه اوزمان البته شو فائده سی حاصل اولاجقدر .

اوچنجیسی ؛ مذاکره ائساننده هیئت عمومی پی ، تنویره دها زیاده امکان بولونمش اولاجقدر . فی الحقیقه نظامنامه داخلیده موازنه عمومیه قانونک بودجه انجمنده تدقیق لزومی محتوی ماده واردر . فقط بوماده ، بعض مسائلک آریجه اختصاص انجمنلرنده دخی بردعه دها درپیش ایدلمسنه مانع دکلدر . قالدی که زمان اعتباریله دخی وهاله تصور ایدیه جکی وجهله بوکا مانع یوقدر . چونکه متخصص اولان انجمنلر اوچ درت کون بو خصوصده اجتماع عقد ایدر لرسه کافی درجهده معلومات حصولی ممکن اولور . بنسده کزجه بالفرض زراعت انجمنی اعضاسنک فلان نوع تشیثات زراعیسه حقنده ، معارف انجمنی اعضاسنک فلان مکتبی آچق فلان مکتبی قایماق ، فلان کتابی باصوب باصماق خصوصنده کی رأیبری البته دها زیاده مشمر و مفید اولور . بونی بردعه هیئت عمومییه عرض ایتکی وظیفه بیلورم . احتمال که بو آتی به تعلق ایدن بر مسئله اولایلیر . فقط بنده کزک قناعتمهجه بو کون دخی یاپلمسی ممکن اولور . بو خصوصده بر تقریر حاضر لادم ؛ انظار تصویبکزه عرض ایدیورم . اقدم .

رئیس — ابراهیم بکک بیاناتلری ایله تکلیفلی روزنامه خارجنده در . بو خصوصده تقریرلری ده واردر . تنسیب بویورورسه کز بو تقریری بودجه انجمنی ایله داخلی نظامنامه ایشلریله مشغول اولان تشکیلات اساسیه انجمنک مطالعه سی آلدقدن سوکره روزنامه به آلام .

حسن فهیمی بک ( کوشخانه ) — بودجه انجمنی جواب ویرسونده اوندن سوکره کوندرلم .

رئیس — قرار موضوعی دکلدر . روزنامه خارجنده دره علی الاصول بودجه و تشکیلات اساسیه انجمنلرینه حواله ایدلکدن سوکره مذاکره ایدیه جکدر . تنسیب بویورورسه کز او صورتله معامله یاپلم . ( موافق سسلری )

برنجیسی ؛ وکالتلر دها فضلله تنور ایده جکدر .

ایکنجیسی ؛ اعضای کرام بودجه ایله دها ای علاقه دار اولاجقدر .

### ۳- ریاست دیوانک هیئت عمومییه معروضاتی

۱ — قانوناژ قانونک ایکنجی ماده نیک تفسیری | مقنده کی مذکره نیک اعاده سنه رأی باسه دوات مذکره سی

بانیلہ استرداد ای، اقتصاد و کالت جلیلہ سنک ۱۳-۳-۱۹۲۸  
تاریخ و ۱۷۱۵ نومرولی تذکرہ سندہ اشعار بویور و مقدمہ در.  
اقتصاد سنک ایفاسنہ مساعده بویور و لمسی عرض اول نور  
افندم باش وکیل  
عصمت  
رئیس - اصولاً اعادہ ایدیوروز .

رئیس - باش وکالت تذکرہ سی او قونہ جقدر :  
بویوک ملت مجلسی ریاست جلیلہ سنہ ۱۵ مارت ۱۹۲۸  
قانونتاز قانونتک ابکنجی مادہ سندہ کی «بولند بر مق»  
کله سنک تعیین معناسی ایچون بر تفسیر قراری اتخادی  
حقندہ یازیلان ۱۴-۲-۱۹۲۸ تاریخ و ۷۴۷ نومرولی  
تذکرہ نک بالآخرہ تفسیر طلبہ لزوم اولمادینی آکله شیلدینی

۴ - سؤالدر

رئیس - مالیه وکیلی بک یوقدر . صاحب سؤالده  
ابکنجی دفعه اوله رق بولونماد قراری ایچون سؤال ابطال ایدلمشدر .  
روزنامہ مذاکراته کچبوروز :

۱ - بعضه اوراق رسمیه الصانع ایدیلن همایه اطفال  
بولماری مقندہ بولی مبعوثی شکرلی بک مالیه وکالتنبرہ شفاهلی  
سؤال تفسیری

۵ - مذاکرہ ایدیلن مواد

باراسنک داخل مملکتده کی شوتد اولی کندیلکنندن  
زائل اولاجقدر . هنوز پارامزک استقراری تأمین اولونمادن  
باققرلی اجنبی باراسبلہ رضایہ مستند معامله بایمقدن منع  
ایتمک باققرلرک مملکتتمزده کی معامله لرینی تحدیده وقره دینک  
دارالماسنه واسقونظونک آرتماسنه بادی اولارق مملکت  
اقتصادیاتنک متأثر اولماسنه و بلسکه بجران اقتصادی یه  
سیب اوله بیلہ جکسندن و بوندن باشقہ اولیله بر ممنوعیت  
احداثی حالندہ ممنوعیت خلافندہ باققرلر داخل و خار جندہ  
معامله وقوع بولماسنی و احتیاجی اولانلره اجنبی پارہ سی  
مبایعہ سنہ رخصت اعطاسنی تأمین ایچون بر مراقبه مرکزی  
احداثی ایجاب ایتدیکنندن و بویله بر مرکز - امثالیلہ  
ثابت اولدینی وجهله - اکثریا فائده دن زیاده مضرت  
تولید ایلدیکنندن تریا پاشانک تکلیف قانونیلری انجمنزجه  
موافق کورولمه مشدر .

۱ - استانبول مبعوثی تریا پاشانک مملکتتمزده اجرائی  
معاہت ایدرہ بالعموم باققرلرک اجنبی باراسبلہ معاملہ  
بولنہ میہ جققرینہ دائر اولان تکلیف قانونیلری انجمنزده  
رؤینہ در امر تجارت و مالیه انجمنلری مضبطہ لرینی  
۱۲ مارت ۱۹۲۸

ریاست جلیلہ یه

استانبول مبعوثی تریا پاشا طرفندن مملکتتمزده کی  
باققرلرک اجنبی باراسبلہ معاملہ یاه میہ جققرینہ واقراضانده  
بولنہ میہ جققرینہ دائر اولان تکلیف قانونیلری انجمنزده  
تدقیق و مذاکرہ اولوندی .

مملکتتمز داخلندہ کرک ایش ، کرک اشبا اوزرینہ  
وقوع بولان معاملاتک و هر نوع آلیم وصاتیمک قبولی  
مجبوری تأدیہ آقچہ سی تورک پارہ سی اولد بفسدن اجنبی  
پارہ سنہ آنجق تجارت خارجه منز ایچون احتیاج بولندینی  
آشکاردر . یالکز اجنبی باراسنک ، بالخاصہ انکلز لیراسیلہ  
دولارک طرفینک رضاسنه تابع اولارق معاون تأدیہ آقچہ سی  
وظیفہ سنی کوردیکی ده واقعدر . اجنبی باراسنک مقاوله  
ورضایہ مستند اولارق مملکتتمزده امتعه قبیلندن اولان  
شوتد اولی تجارت عالمک استقرار احتیاجندن ایلری کلدیکی  
شہہ منزدر . پارہ منک استقراری تأمین ایدیلنجه اجنبی

کیفیتک مالیه انجمنده تذکرندن صوکرہ هیئت عمومیه یه  
عرضنی رجا ایدرز افندم .

رئیس	مضبطہ محرری	کاتب
بوردر	کوشخانه	شہین قرہ حصار
مصطفی شرف	جمال حسین بک حین امصادہ بولنمادی	اسماعیل بک امصادہ بولنمادی

۱. نومرولی قانونی لاجمعی و صحیح و عمدیه انجمنی  
مضبوطی [۱]

رئیس - هیئت عمومی سی حقنده مطالعه واری ؟  
( خایر سسلی ) . ماده لره کچلمه سنی قبول ایدنلر ال  
فالدرسون ! قبول ایتمه بنلر ال فالدرسون ! قبول ایدلمشدر .  
ماده ۱ - تورکیه جمهوریتی داخلنده طبابت اجرا  
وهر هانکی صورتله اولورسه اولسون خسته تداوی .  
ایده بیلیمک ایچون تورکیه دارالفنونی طب فاکولته سندن  
دیپلومه صاحبی اولمق و تورک بولمق شرطدر .

رئیس - مطالعه یوقدر . ماده بی قبول ایدنلر ال  
قالدرسون ! قبول ایتمه بنلر ال فالدرسون ! قبول ایدلمشدر .  
ماده ۲ - یوفاریکی ماده ده یازیلی دیپلومه نیک معتبر  
اونسی ایچون دیپلوما صاحبیک ۸ تشرین ثانی ۱۳۳۹  
تاریخی و ۳۶۹ نومرولوقانون موجبجه خدمت مجوره سنی  
اکمال ایتمش و دیپلومه سنک صحیه و معاونت اجتماعیه و کالتنجه  
تصدیق و تسجیل ایدلمش اولسی لازمدر . طبابت صنعتی  
اجرا ایتیک ایسته ن عسکری طبیبلر ده دیپلومالرنی  
تصدیق و تسجیل ایتدیرلر . آتحتی خدمت مجوره لرنی  
ایفا ایدلکری مدتجه دیپلومالری آلیقونیلان طبیبلر بو  
بومدت طرفنده دخی اجرای صنعته مأذوندلر .

رئیس مطالعه یوقدر . ایکنجی ماده بی قبول  
ایدنلر ال قالدرسون ، قبول ایتمه بنلر ال قالدرسون ، قبول  
ایدلمشدر .

ماده ۳ - یوفاریکی ماده لرده ذکر ایدیلن طبیب  
دیپلومه سنی و فن جراحی و یا شعباتنده اختصاص صاحبی  
اولدیغنه دائر اشبو قانونک تعریفلری دائره سنده و یائق  
لازمه بی حائز اولیان هیچ بر کیمسه هیچ بر عملیه  
جراحیه اجرا ایسه من . جراحی صغیره یه عابد عملیاتی هر  
طبیب یابایلیر . صحیه و معانت اجتماعیه و کالتی طرفندن  
آچیلان و اداره ایدیلن مکتبلردن مأذون کوچوک صحیه  
مأمورلری واشبو مکتبلره معادل تدریسات یابان مکتبلردن  
مأذون اولوب شهادتنامه لری صحیه و معاونت اجتماعیه  
[۱] ضبطک صوکنه مر بوطدر .

اعضا	اعضا	اعضا
سینوب	زونقوداق	استانبول
یوسف کمال	حسنی	حسین بک امصاده بولونقادی
اعضا	اعضا	
قوچه ایلی	مرعش	
رشید صغوت بک امصاده بولونقادی	نورالدین	

مالیه انجمنی مضبوطی

استانبول مبعونی ثریا پاشانک اجرای فعالیت ایدن  
بالعموم بانقهلرک اجنبی پاراسیله معامله و اقراض یاپامیه جقارینه  
دائر تکلیفی انجمنزه حواله بو یورلمقده . مذکور تکلیف  
بو یوبابده کی تجارت انجمنی مضبوطی مطالعه و تدقیق ایدلدی .  
اجنبی پاراسیله معامله و اقراضات یاقمقدن بانقهلری  
منع ایتیمک مقصدیله احضار و تنظیم ایدیلن بوتکلیفک اسباب  
مواجهه سنده موازنه تجاریه دن ، منسوجات صنایعندن  
بخت ایدلمش ایسه ده محاذیری رفع ایده جک اصابتلی  
مطالعه کوروله مه مشدر . تجارت انجمننک بو خصوصده  
سرد ایلدیکی ملاحظانه اشترک ایدن انجمنز ، هر هانکی  
اقتصادی برایشده اولدیغی کبی تورک پاراسنک وضعیتنی  
اصلاح ایچون دخی جبر قانونی طریقندن فائده حاصل  
اولامیه جتی ، مراقبه مرکزی تشکیلی ایسه ذهها مضر  
نتایج تولید ایده بیلجه جکی قناعتیله تکلیف قانونینک ردینه  
قرار ویر مشدر . هیئت عمومی یه عرض اولونور ،

کاتب	مضبوطه محرری	مالیه انجمنی رئیسی
بالیکسر	غازی عینتاب	کوشخانه
فیخرالدین	احمد رمزی	حسن فهیمی
اعضا	اعضا	اعضا
استانبول مبعونی قوادیک حسین امصاده بولونقادیلر	ایچ ایل	بایزید
	محمد امین	شفاق

رئیس - مطالعه واری ؟ ( خایر سسلی ) .  
مالیه انجمنی مضبوطی رأیکزه عرض ایدیورم .  
قبول ایدنلر ال قالدرسون ! قبول ایتمه بنلر ال فالدرسون !  
قبول ایدلمشدر .

۲ - طبابت و شعباتی صنعتنرک طرز اصراسی حقنده

صحیہ وکیلی رفیق بک — دیپلوماسی اصول دائرہ سندھ  
آلمش کلمش ایسہ اونک ہوتنی تثبت ایدہ جکر .  
مظہر مفید بک ( دکزلی ) — امتحان یوقی بالکز  
قونترولی ؟

صحیہ وکیلی رفیق بک ( استانبول ) — اوت افندم .  
آچورا اوغلی یوسف بک ( استانبول ) — افندم ؟  
بورادہ استعمال ایدیان تورک گلہ سی طبعی تشکیلات  
اساسیہ دی تورک گلہ سیدر . بناءً علیہ محذور وارد .  
( خندہ لر )

رئیس — افندم ؛ باشقہ مطالعہ یوقدر . تعدیل تکلیفی دہ  
یوقدر . بومادہ بی رأیکزہ عرض ایدیورم . قبول ایدنلر  
لطفاً ال قالدیرسون ! قبول ایتمینلر لطفاً ال قالدیرسون !  
قبول ایدلمشدر .

مادہ ۵ — خصوصی معاینہ خانہ آچق ویا خود اوندہ  
معاینہ خانہ تأسیس ایلک صورتیلہ صنعتی اجرا ایلک  
ایستیان طیب خستہ قبولنہ باشلادیغندن اعتباراً ال  
چوق برہفتہ ایچندہ اسم و هویتی دیپلومہ تاریخ و نومرو سی  
و معاینہ خانہ اتخاڈ ایلدیکی محل ایلہ موجود ایسہ اختصاص  
وثیقہ لزی محلاک ال بویوک صحیہ مأمورینہ قیدایتدیمرکہ  
و معاینہ خانہ بک نقلی حالندہ ال آز یکر می درت ساعت  
اول کیفیت نقلی اخبارہ مجوزدر .

رئیس — بشنجی مادہ بی قبول ایدنلر لطفاً ال  
قالدیرسون . قبول ایتمینلر لطفاً ال قالدیرسون ! مادہ  
قبول ایدلمشدر .

مادہ ۶ — بر محلدہ صنعتی اجرا ایدن مقید بر طیب  
او محلی ترک ایلدیکی ویا ہرہانکی بر سبب ایلہ اولورسہ  
اولسون معاینہ خانہ سی سدایلہ اجرای صنعتدن صرف نظر  
ایتدیکی تقدیردہ ال آز یکر می درت ساعت اول اولجہ  
قید ایدلمش اولدیغی صحیہ دائرہ سنہ مراجعتلہ قیدینہ  
اشارت ایتدیور .

عزت بک ( آفیون قرہ حصار ) — افندم ؛ اورادہ  
الک آز تعبیری وار . حالبوکہ ال چوق دیلمسی لازم کلیر .  
رئیس — افندم ؛ مادہ دہ کی [ الک آز ] قیدی ال  
چوق قیدر . الک آز میدر ؟

و کالتنجہ تصدیق و تنجیل ایدینلر تعالیا تاملرندہ یازیلی  
اولانلرہ . منحصر قالمق شرطینلہ کوچوک عملیہ لری  
یابابیلرلر . اوصاف و شرائطی . بوقانونلہ تثبت ایدلمش  
اولان شتتجیلر سنت عملینہ سی اجرا ایدہ بیلرلر .  
رئیس اوچونجی مادہ بی قبول ایدنلر ال قالدیرسون !  
قبول ایتمینلر ال قالدیرسون ! قبول ایدنشدر .

مادہ ۴ — اجنی مملکتلر دہ کی طب دارالفنونلرندن  
مأذون تورک طیب لری اصول دائرہ سندھ ہوتلری تثبت  
ایتدیر دیکین وقانون مخصوص موجینجہ خدمت مجبورہ لری  
ایفا ایلن کدن سوکیمہ دیپلومہ لری صحیہ و معاونت اجتماعیہ  
و کالتنجہ تصدیق اولونور .

مظہر مفید بک ( دکزلی ) — افندم ؛ اجنی  
مملکتلرندہ کی طب دارالفنونندن مأذون اولانلر امتحان  
ویریرلر و دیپلومالری اولیلہ تصحیح اولونوردی . بو  
دفعہ امتحان یوقدر . یالکز و کالت تصدیق ایدہ جک  
دینور . بالفرض یونانستاندہ اوچ سنہ او قومشدر .  
توزکیہ دہ اجرای صنعت ایتک اوزرہ دیپلوما ویرلمشدر .  
بونلری تورک دارالفنونندن چیقان طیب لری کبی قبول  
ایدہ جکمی یز . ظن ایدرسہ مفرانسہ دہ دہ اولیلہ در . اگر بویلہ  
ایسہ دویدینمز کبی ایسنہ لطفاً ایضاحات ویرسینلر . ممالک  
سائرہ دہ اجرای طبابت ایدہ بیلر شکتندہ دیپلوما ویریلورسہ  
ہر حالہ بونلر زدہ امتحانہ تابع طوئولمایدنظر ایدرم .  
صحیہ وکیلی رفیق بک ( استانبول ) — مسئلہ اساساً  
وارد دکلدر . اجنی دارالفنونلرندہ تحصیل ایتمش  
و دیپلومالری آلمش تورک لک تورکیہ یہ عودتلرندہ دیپلوما  
لرینک تصدیق ایچون ہوتلری تثبتہ مدار اولاجق بر  
قونترولہ تابع طوئولمسی مسئلہ سیدر . مظہر مفید بک  
افندینک بویوردقلری قور دیپلوماتیک امتحانی ۱۹۱۴ دہ  
لغو ایدلمشدر او ، یوقدر . بواجنبیلرہ مخصوص دکلدر .  
تورکلرہ مخصوصدر . مسئلہ بوندن عبارتدر یوقسہ او  
وارد دکلدر .

مظہر مفید بک ( دکزلی ) — بکی افندم بر تورک  
یونانستاندہ تحصیل ایدرسہ بونی دہ امتحانلر قبول  
ایدہ جکمی یز ؟

« ویا لابور اتواردن ویریلوب طب فا کولته سنجه » دینلیور .  
 « تورکیه طب فا کولته سنجه » دینلمسنی تکلیف اییدیوروز .  
 رئیس — افندم، ماده به برتورکیه کله سنک علاوه سنی  
 تکلیف اییدیورلر . قبول ایدنلر ال فالدیرسون ! قبول  
 ایتهمینلر ال فالدیرسون ! قبول ایدلشدر . ماده بی تصحیح  
 وجهله رأیکزه عرض اییدیورم . قبول ایدنلر لطفاً ال  
 فالدیرسون ! قبول ایتهمینلر لطفاً ال فالدیرسون ! قبول  
 ایدلشدر .

ماده ۹ — اختصاص وثیقه لرینک صورت ائدی ،  
 بو خصوصه مرعی اولسی لازم کلن قواعدا اشبو قانونک .  
 تاریخ مرعیتندن سو کیره کجیه و معاونت اجتماعیه و کالتنجه  
 تنظیم ایدیله جک بر نظامنامه ایله تعیین اولونور .  
 رئیس — مطالعه یوقدر . ماده بی رأیکزه عرض  
 اییدیورم . قبول ایدنلر لطفاً ال فالدیرسون ! قبول  
 ایتهمینلر لطفاً ال فالدیرسون ! قبول ایدلشدر .

ماده ۱۰ — اصول و نظامنه توفیقاً مدرس ، معلم  
 و امانلی صفتلری اکتساب ایتهمس ویا طقوزنجی ماده ده  
 ذکر ایدیلمن و نیقه لری استحصال ایله مش بر طبیبک طب  
 تدریس و تعلیمنه و اختصاصه متعلق عنوانلری قوللانمسی  
 و بونلری ویا حقیقته توافق ایتمین سائر صفتلری هر هانکی  
 شکل و صورتله اعلان ایتهمسی ممنوعدر .

صحیه وکیلی رفیق بک ( استانبول ) — افندم ،  
 « طقوزنجی ماده » دینس « رسکوزنجی » اولاجق .

رئیس — افندم ، بوراده برسه و وارد ۹ نجی ،  
 ۸ نجی اولارق تصحیح ایدیله جکدر . باشقه مطالعه  
 یوقدر . ماده بی تصحیح وجهله رأیکزه عرض اییدیورم  
 قبول ایدنلر لطفاً ال فالدیرسون ! قبول ایتهمینلر لطفاً  
 لطفاً ال فالدیرسون ! ماده قبول ایدلشدر .

ماده ۱۱ — محکمه لرجه اخبار ایچون مراجعت  
 ایدیله جک طبیبلر یالکز بو قانون ایله تورکیه ده اجرای  
 صنعت صلاحیتی حائز اولاندردر . مختبرله صورت  
 مراجعت و بونلرک مستحق اوله جقلری اجرت و تضمینات  
 مقدارلری حقدنه صحیه و عدلیه و کالتلرنجه مشترک بر

صحیه وکیلی رفیق بک ( استانبول ) — اُک آزدردر .  
 عزت بک ( آفیون قره حصار ) — نیچون اُک آز  
 دینلیور . اونی آکلامق ایسته یورم .

صحیه وکیلی رفیق بک ( استانبول ) — یعنی کندیلرینه  
 ۲۴ ساعته قدر وقت بر اقلیور باشقه برشی دکلدردر .

رئیس — افندم ، وقت بر اقلدیفی معناسنی افاده ایتمک  
 ایچون قوبدق دیورلر . باشقه مطالعه وارمی افندم ؟  
 ( خایرسلری ) . ماده بی قبول ایدنلر لطفاً ال فالدیرسون !  
 قبول ایتهمینلر لطفاً ال فالدیرسون ! ماده قبول ایدلشدر .

ماده ۷ — منحصرأ ویا قسماً تورک مأمور و مستخدم  
 قوللانان مؤسسات عمومیه و خصوصیه ایله تورک خسته لری ده  
 تداوی ایدن هر هانکی بر مؤسسه خیریه و صحیه ده استخدام  
 ایدیله جک طبیبلرک برنجی ویا کنجی ماده لرده کوستریلن  
 و صفلری حائز اولسی شرطدر . دردیجی ماده ده ذکر  
 ایدیلمن اجنبی طبیبلر بو حکمدن مستنادر .

صحیه وکیلی رفیق بک ( استانبول ) — افندم ،  
 بوراده کی دردیجی ماده یتس یدنجی ماده اولاجقدر .  
 یعنی دردیجی کله سی یتس یدنجی دیه تصحیح ایدیله جکدر .  
 رئیس — افندم ، بوراده کی دردیجی کله سی یتس  
 یدنجی دیه تصحیح ایدیله جکدر . باشقه مطالعه یوقدر . تصحیح  
 وجهله ماده بی رأیه وضع اییدیورم . قبول ایدنلر لطفاً  
 ال فالدیرسون ! قبول ایتهمینلر لطفاً ال فالدیرسون ! قبول  
 ایدلشدر .

ماده ۸ — تورکیه ده اجرای طبابت ایچون بوفانوده  
 کوستریلن و صفلری حائز اولاندلر عمومی صورتده  
 خسته لقلری تداوی حقنی حائزدرلر . آجق هر هانکی  
 بر شعبه طبابتده مستمرأ متخصص اولق و او عنوانی اعلان  
 ایده بیلیمک ایچون تورکیه طب فا کولته سندن ویا صحیه  
 و کالتنجه قبول و اعلان ایدیله جک مؤسساتدن ویرلمس  
 ویا خود اجنبی مملکتلرک معروف بر خسته خاه ویا  
 لابور اتواردن ویریلوب طب فا کولته سنجه تصدیق  
 ایدلش بر اختصاص وثیقه سنی حائز اولمیدرلر .

صحیه وکیلی رفیق بک ( استانبول ) — افندم ، ماده ده



ال قالدیرسون! قبول ایتمه یئر لطفاً ال قالدیرسون! قبول ایدلمشدر.

ماده ۱۵ — اطبا او طه لری تشکل ایدن منطقه لرده اشبو قانونه کوره تور کیده اجرای صنعت صلاحیتنی حائر بالعموم اطبانک او طه لره داخل اولماسی مجبوریدر. مأموریت بوجبوریتدن استثنای استلزام اتمز. او طه لارک مصارف اداریه و قمرطاسیه سنه و دیوان حیثیت لره عالی دیوان حیثیت اعضاسنک حق حضور و خراج اهرینه تقابل ایتک اوزره او طه لر اعضا لرندن برفعه یه مخصوص اولمق اوزره بر دخولیه و معین بر نسبت دائره سننده عائدات سنویه آلیر.

رئیس — مطالعه یوقدر. ماده یی رأیکزه عرض ایدیورم. قبول ایدنلر لطفاً ال قالدیرسون! قبول ایتمه یئر لطفاً ال قالدیرسون! قبول ایدلمشدر.

ماده ۱۶ — اطبا او طه لری دیوان حیثیت لری آداب مسلکیه یه رعایت ایتمین طیبیلر حقننده تجریراً اخطار، مجلس حضورنده توبیخ و برهفته دن آلتی آیه قدر موقت اجرای صنعتدن منع صورتیه مجازات اقباهیه تعیین ایده بیلیرلر.

رئیس — مطالعه یوقدر. ماده یی رأیکزه عرض ایدیورم. قبول ایدنلر لطفاً ال قالدیرسون! قبول ایتمه یئر لطفاً ال قالدیرسون! قبول ایدلمشدر.

ماده ۱۷ — اطبا او طه لری هیئت ادار لری هیئت عمومی طرفندن ایکی سنه ایچون منتخب اوچدن بشه قدر. اعضادن متشکلدر رئیس لرینی آرا لرندن رأی خفی ایله انتخاب ایدرلر دیوان حیثیت یه هیئت عمومی طرفندن ده کذلک ایکی سنه ایچون اولجه منتخب ایکی اعضانک هیئت اداره یه التحاقیه تشکل ایدر. هیئت اداره و دیوان حیثیت لر نصفندن برزیده سیله اجتماع ایده بیلیرلر. تساوی آرا و قوعنده رئیسک رأی ترجیح اولونور. آنجق دیوان حیثیت اعضاسندن بریله اطبان بری آراسنده تحدت ایدن اختلاف لره ویا دیوان اعضاسندن برینه عائد مسائلک تدقیق ائناسنده مسئله ده علاقه دار اعضا و دیوانک قرعه ایله تعیین ایده جک نصف اعضاسی اجتماعه اشتراک ایتمه لرک

تعلیمات نامه ترتیب اولونور.

رئیس — مطالعه یوقدر، ماده یی رأیکزه عرض ایدیورم. قبول ایدنلر لطفاً ال قالدیرسون! قبول ایتمه یئر لطفاً ال قالدیرسون! قبول ایدلمشدر.

ماده ۱۲ — اجرای صنعت ایتک اوزره بر محله مقید اولان هر هانکی بر طیبیک بالذات دکان و منازه آجق صورتیه هر هانکی بر تجارت ایتسی ممنوعدر. قانونه توفیقاً مساعده آلق صورتیه خصوصی خسته خانه کشادی ویا اجرای طبابت حقندن فراغت وایکی سنه بر اجزا خانه ده عملیات کورمش اولدیغه دائر وثیقه ابراز شرطیه بر طیبیک اجزا خانه آچهرق اداره ایتسی بو حکمدن مستنادر. بر طیبیک اقامتکاهی مستن اولمق اوزره متعدد یرلرده معاینه خانه آچهرق اجرای صنعت ایتسی ممنوعدر.

رئیس — مطالعه یوقدر، ماده یی رأیکزه عرض ایدیورم. قبول ایدنلر لطفاً ال قالدیرسون! قبول ایتمه یئر لطفاً ال قالدیرسون! قبول ایدلمشدر.

ماده ۱۳ — بر شخصک احوال بدنی و عقلیه سی حقننده راپور تنظیمه منحصرأ بو قانونه اجرای صنعت صلاحیتی اولان طیبیلر اذوندر. تور کیده اجرای صنعت صلاحیتنی حائر اولمان طیبیلرک راپور لری معتبر اوله ماز. رئیس — مطالعه یوقدر ماده یی رأیکزه عرض ایدیورم. قبول ایدنلر لطفاً ال قالدیرسون! قبول ایتمه یئر لطفاً ال قالدیرسون! قبول ایدلمشدر.

ماده ۱۴ — حدود و مرکزی صحیه و معاونت اجتماعیه وکالتنجه تعیین ایدیه جک منطقه لرده بر اطبا او طه سی تأسیس اولونور. اطبا او طه لری طیبیلرک مسلکی حیثیت و منفعت لریه تعاق ایدن بالعموم مسئله لری رؤیت، تشکیل ایده جک لری دیوان حیثیت لره واسطه سیله مسلکی آدابه رعایت سز. لکی کوریلان طیبیلر، دیش طیبیلری و دیش جیلر حقننده انضباطی جزا لر تعیین و طیبیلر آره سننده تحدت ایدن مسلکی اختلافاتی حل و تسویه ایدر.

رئیس — مطالعه یوقدر، ماده یی قبول ایدنلر لطفاً

منع حقننده ویریلن قرارلرده آنقرهده بولنان عالی دیوان حیثیتک تصدیقیله معتبر اولور . عالی دیوان حیثیت بروجه آتی تشکل ایدر :

آ - صحیه وکالتی مستشارینک ریاضتنده وکالت ارکان مأمورینندن ویا سائر مأمورین صحیه آراستیدن انتخاب ایدیله جک اوج ظیبت .

ب - عدلیه وکیلی طرفندن انتخاب ایدیله جک خاکمر طرفندن بر ذات .

ج - طب فاکولته سی مجلس مدرسینی طرفندن منتخب بر مدرس .

د - بری عسکر و دیگر ایکینسی سیویل اولمق اوزره اوظه لر طرفندن منتخب اوج ظیبت .

عالی دیوان حیثیت رئیس و اعضاسی اوج سنهده بر تجدید اولنور . اسکی اعضا کیمیکدن انتخابی جا زدر .

محلی دیوان حیثیتک قرارلرینک تمیزی اثناسنده محکوم طیبیک شفاهی ویا تحریری مدافعات و اعتراضاتی قبول ایدیله جکی کی دیوان حیثیتک مطالعاتی ده نظر دقته آئیر . نوکی قرارلرک دیوان حیثیته ورودی تاریخندن اعتباراً اعظمی رای طرفنده رد ویا تصدیقی ویا تعدیلی لازم کلیر . عالی دیوان حیثیت اعضاسنک نصفندن بر فضله سیله اجتماع ایدیلیر، تساوی آراوقوعنده رئیسک بولندیی طرفک رای ترجیح اولونور .

رئیس - مطالعه یوقدر، ماده یی قبول ایدنلر لطفاً ال قالدیرسون! قبول ایدلشدر .

ماده ۲۲ - عالی دیوان حیثیت قراریله موقناً اجرای صنعتندن منع ایدیلن طیب بومدت طرفنده اجرای صنعت ایدهنر . مأمور اطبا کیم مأموریتلرینه متعلق وظیفه لرینه خلل کلز . قرار علاقه دارلرجه معلوم اولمق اوزره صحیه و معاونت اجتماعیه وکالتنجه مناسب صورتلرله اعلان اولونور .

رئیس - مطالعه یوقدر . ماده یی رأیکزه عرض ایدیورم . قبول ایدنلر لطفاً ال قالدیرسون! قبول ایدیلشدر .

یرلریز اولجه انتخاب ایدلش اولان یدک اعضادن قرعه ایله تفریق ایدیله جکلر ایفای وظیفه ایلر .

رئیس - مطالعه یوقدر . قبول ایدنلر لطفاً ال قالدیرسون! قبول ایدیلشدر .

ماده ۱۸ - اوظه لر هیئت اداره لرله دیوان حیثیتلرک و بونلرک یدک اعضا لرینک اوصافی و صورت انتخابی و وظیفه لر ای اعضادن آله جق دخولیه و عائدات و دیوان حیثیت اعضا لرینه ویریله جق حق حضور مقدرلری صحیه و معاونت اجتماعیه وکالتنجه تنظیم ایدیله جک بر نظامنامه ایله تعیین اولونور .

رئیس - مطالعه یوقدر . ماده یی قبول ایدنلر لطفاً ال قالدیرسون! قبول ایدیلشدر .

ماده ۱۹ - اوصاف و شرائط قانونیه یی جامع اولمان ویا کندیسنه هودوع وظائفی ایفادن امتناع ایدن ویا خود بیطرفلی محل حرکتی کوریلن اوظه هیئت اداره و دیوان حیثیتلری عالی دیوان حیثیت قراریله صحیه و معاونت اجتماعیه وکالتنجه فسخ واسباب موجب سیله اوظه منطقه سنده تعمیم و انتخاب تجدید اولونور .

رئیس - مطالعه یوقدر . ماده یی رأیکزه عرض ایدیورم . قبول ایدنلر لطفاً ال قالدیرسون! قبول ایدیلشدر .

ماده ۲۰ - اوظه انتخاب لرینک ختامنی متعاقب برهفته طرفنده منتخب اعضا اجتماع ایدهرک رئیس لرینی رای خفی ایله انتخاب ایدرلر . رئیس انتخابک نتایجی و اعضا ایله یدک اعضا کیم اسامینسی و آلدقاری رأیلر عددینی درحال صحیه و معاونت اجتماعیه وکالتنجه بیلدیرر .

رئیس - مطالعه یوقدر . ماده یی رأیکزه عرض ایدیورم ، قبول ایدنلر لطفاً ال قالدیرسون! قبول ایدیلشدر .

ماده ۲۱ - دیوان حیثیتلرک تحریری اخطار و مجلس حضورنده توبیخ جزالری قطعیدر . موقناً اجرای صنعتندن

حق طارق بك ( كیره سون ) — افندم برسؤال: مادهده اجرای صنعت ایدلیدی تعبیری واردر . بوتعبیر یوقاریده خسته تداوی ایدن تعبیری ایله علاقه دارمیدر ؟ بونی اوکره تمک ایسته بورم .

صحه وکیلی رفیق بك ( استانبول ) — بالطبع بوده متطیلک دیمکدر . علاقه سی بو .

حق طارق بك ( كیره سون ) — ویریلن جوابدن شونی آکلایورم : خسته تداوی ایدن تعبیری تزویر یول آچابیلیر . بالفرض قرده شم ، همشیرم ، آنام ، بابام ، چوجوغم وار . هر هسانکی طیب اولمایان بریده بونلردن بریسنه بالخاصه مسهل ویرمک احتیاجی حاصل اولمدر . بوسورتله بور خسته تداویسی تلقی اولونابیلیر . بناء علیه بو شوراده و بوراده بر تزویر وسیله سیله اتخاذ ایدیله بیلدیکی کچی بونک اوزرینه مطاق بر عباره کورن حاکمه جزا تریننده مضطر قالیر . وکیل بك افندینک ویردکلری جواب بو محذوری بر طرف ایدم جگ بر شکلده در . بالطبع مداوات اولیده بونک خارجیده اولسی لازمکلیر . زیرا طیب تدارک ایدیلنجه به قادر بوکی وضعیتلر حاصل اولابیلیر . البته بو قبیل احوال بو مادهنک شمولى خارجنده در . بویله تلقی ایدیورم .

صحه وکیلی رفیق بك ( استانبول ) — افندم ، بوراده نظر دفته آلیان مسئله متطیلکی کندیسنه صنعت اتخاذ ایدنلر حقنده در . باشقا برشی دکدر .

رئیس — باشقا مطالعه یوقدر . عدلیه انجمنک تکلیف ایددیکی تعدیل وجهله ماده بی رایه عرض ایدیورم . قبول ایدنلر ال قالدیرسون . قبول ایتمه ینلر ال قالدیرسون قبول ایدلمشدر .

ماده ۲۶ — بوقانونک احکامنه توفیقاً اجرای صنعت صلاحیتی اولمیان و یا هر نه صورتله اولورسه اولسون اجرای صنعتدن ممنوع بولنان برطیب صنعتی اجرا ایدرسه بکرمی بش لیرادن ایکی یوز لیرایه قدر خفیف جزای نقدی ایله جزالاندیریلیر .

ماده ۲۳ — عمومی ویا موضعی ابطال حس ایله پایلان بویوک عملیه لر بهمه حال اختصاص وثیقه سی حامل اولان بر متخصص ایله برابر دیگر برطیب طرفندن پایلمق لازمدر . متخصص بولنسی ویا جلبی ممکن اولمیان محللرده پایلمه سی ضروری کوریلن عملیه لر ایله احوال مستعجله و فوق العاده بو حکمدن مستنادر .

رئیس ، — مطالعه یوقدر . ماده بی رایه یکنزه عرض ایدیورم . قبول ایدنلر لطفاً ال قالدیرسون ! قبول ایتمه ینلر لطفاً ال قالدیرسون ! قبول ایدلمشدر .

ماده ۲۴ — اجرای صنعت ایدن طیبیلر خسته قبول ایدنکلری محل ایله معاینه ساعتلری و اختصاصلری بیلدیرن اعلانلر تریننه مأذون اولوب دیگر صورتلره اعلان ، ره قلام وسائره پایلمی ممنوعدر .

رئیس — مطالعه یوقدر . ماده بی رایه عرض ایدیورم . قبول ایدنلر ال قالدیرسون ! قبول ایتمه ینلر ال قالدیرسون ! قبول ایدلمشدر افندم .

ماده ۲۵ — دیپلومه سی اولدیغی حالده جر منفعت ایچون اولسه دخی هر هانکی صورتله اولورسه اولسون خسته تداوی ایدن ویا طیب عنوانی طاقنان شخص بر ایدن آلتی آیه قدر حبس و بکرمی بش لیرایه قدر آغیر جزای نقدی ایله مجازات اولونور بو صورتله اجرای صنعتدن متولد اولمق اوزره جزایی مستلزم بر فعل ایقاع ایدلمس اولدیغی تقدیرده تورک جزا قانونه توفیقاً بشقه جه تعقیبات پاییلیر .

عدلیه انجمنی نامه صادق بك ( بالکسر ) — ۲۵ لیرادن ۵۰۰ لیرایه قدر اولاجقدر . سهو واردر . آلت طرفده برسوودها واردر افندم . مجازات اولنور ؛ دیدکدن سوکرا ماده شوپله اولاجقدر : « بوسورتله اجرای صنعت نتیجه سنده تورک جزا قانونی اعتباریله ده آغیر جزایی مستلزم فعل ایشلمش اولدیغی تقدیرده او فعله مخصوص جزا ویریلیر . »

رئیس — افندم ؛ ماده بی ویریلن ایضاحات وجهله تصحیح ایدیوروز .

رئیس — مطالعہ یوقدر افندم . مادہ بی رأیہ قویورم .  
قبول ایدنر ال قالدیرسون ! قبول ایتمہینر ال قالدیرسون !  
قبول ایدلمشدر .

مادہ ۳۱ — اجنبی لمکتلرده محلی حکومتارنجیہ  
تصدیقی و تورکیہ دارالفنونی دیشجی مکتبہ معادل درجہ دہ  
دیشجی مکتبلرندن ، اذون و تورک اولان دیش طیبیلرینک  
علی الاصول هویتلری تثبیت اولوندقدن سوکرہ دیپلومالری  
صحیہ و معاونت اجتماعیہ و کالتنجہ تصدیق و تسجیل و اجرای  
صنعتلرینہ مساعدہ اولونور .

رئیس — مادہ بی رأیہ قویورم . قبول ایدنر ال  
قالدیرسون ! قبول ایتمہینر ال قالدیرسون ! قبول ایدلمشدر .

مادہ ۳۲ — حال حاضرده دیپلوماسز اجرای صنعت  
ایدن دیشجیلردن ال آز اون سنہ دنبری مستمراً و منحصرأ  
بو ایشلہ اشتغال ایتدیکنی بو قانونک تاریخ مرعیتدن  
اعتباراً اوچ آی ظرفندہ رسمی وثیقہ لرلہ اثبات ایدنرہ  
صحیہ و معاونت اجتماعیہ و کالتنجہ رخصتنامہ و یریلدرک  
صنعتلرینی پامہ لرینہ مساعدہ ایدیلیر . بو صنعتلہ اشتغال  
ایتدیکی مدت اون سنہ دن آز اولان ویا اون سنہ دن فضلہ  
بر زماندن بری دیشجیلک ایتدیکنی و نائق کافیہ ایلہ  
اثبات ایدمین دیپلوماسز دیشجیلر بو قانونک نشری  
تاریخندن اعتباراً اوچ آی ظرفندہ مراجعت ایتدکلی  
تقدیرده طبفا کولتہ سی دیشجی مکتبنجہ امتحانی اجرا  
ایدیلدرک احراز موفقیت ایدنرہ صحیہ و معاونت اجتماعیہ  
و کالتی طرفندن بر رخصتنامہ و یریلیر و صنعتلرینی پامہ لرینہ  
مساعدہ ایدیلیر .

عبدالله بک ( طربزون ) — برسؤال افندم .

رئیس — بو یورک افندم .

عبدالله بک ( طربزون ) . افندم قانونک مرعیتندن  
اوچ آی ظرفندہ رسمی وثیقہ لرلہ اون سنہ متمادیاً اجرای-  
صنعت ایتدیکنی اثبات ایدہ بیلیرسہ اوکا مساعدہ  
ایدیلہ جک . بو مدت ظرفندہ صنعتدن دولای ہرہانکی بر  
جزا و محکومیتہ اوغرامش اولانلر آریلیورمی ، یوقسہ  
بونترہ علی العمیا اجرای صنعت ایتمشدر ، بناءً علیہ رخصت

رئیس — مطالعہ یوقدر . مادہ بی رأیکرہ عرض  
ایدیورم . قبول ایدنر ال قالدیرسون . قبول ایتمہینر  
ال قالدیرسون . قبول ایدلمشدر .

مادہ ۲۷ — بشنجی ، آلتنجی ، اونجی ، اون ایکنجی  
اون بشنجی ، یکرمی اوچنجی و یکرمی دردیجی مادہ لر  
احکامنہ رعایت ایتمہین طیبیلر بش لیرادن یوز لیرایہ قدر  
خفیف جزای تقدی ایلہ جزالاندیریلیر .

رئیس — مطالعہ یوقدر . مادہ بی قبول ایدنر ال  
قالدیرسون ! قبول ایتمہینر ال قالدیرسون ! قبول ایدلمشدر .

مادہ ۲۸ — آغیرحبس ویا بش سنہ ن فضلہ حبس  
ویا مؤبدأ خدمات عامہ دن ممنوعیت ویا مسلك و صنعتی سوء  
استعمال صورتیلہ ایشلمش بر فعلدن دولای ایکی دفعہ  
محکمہ جہ مسلك و صنعتک تعطیلی جزاسیلہ محکوم اولان  
ویا اجرای صنعت ایتمسہ مانع و غیر قابل شفا بر مرض عقلی  
ایلہ معلول اولدینی بالعمیانہ تبین ایدن طیبیلر صحیہ و معاونت  
اجتماعیہ و کالتک تکلیفی و عالی دیوان حیثیت قراریلہ اجرای  
صنعتدن منع اولنور و دیپلومالری کبری آلیر .

رئیس — مطالعہ یوقدر . مادہ بی رأیہ عرض ایدیورم .  
قبول ایدنر ال قالدیرسون ! قبول ایتمہینر ال قالدیرسون !  
قبول ایدلمشدر .

مادہ ۲۹ — دیشجیلک صنعتی ؛ دیشلرک و دیش  
آتلی ایلہ اسنانک تداویسی و دیشلرک اکال و اصلاحنہ  
عائد عملیلرک اجراسنہ منحصردر .

صحیہ و کیلی رفیق بک ( استانبول ) — بو ۲۹نجی  
مادہ نک سرلوحہ سی « ایکنجی فصل — دیش طیبیلری  
و دیشجیلر » اولاجقدر . طبعده اونوتولمشدر افندم .

رئیس — بوسرلوحہ علاوہ ایدیلہ جکدر . باشقہ  
مطالعہ یوقدر . مادہ بی رأیہ عرض ایدیورم . قبول  
ایدنر ال قالدیرسون ! قبول ایتمہینر ال قالدیرسون !  
قبول ایدلمشدر .

مادہ ۳۰ — تورکیہ جمهورتی داخلندہ دیشجیلک  
صنعتی اجرا و دیش طیبی عنواتی طاشیہ بیلیمک ایچون تورک  
اولق و تورکیہ دارالفنونی و دیشجی مکتبندن دیپلوما  
آلق لازمدر .

دیورکه؛ تورکیه جمهوری داخلنده طبابت اجرا وهر هانکی صورتده اولورسه اولسون خسته تداوی ایدیه بیلیمک ایچون تورکیه دارالفنونی طب فا کولته سنندن دیپلوما صاحبی اولمق وتورک بولنمق شرطدر . بوراده کی خسته تداوی ایتکده ظن ایدرم که ، دیشجیلرده داخلدر ، شمعی ، هر نه اولورسه اولورسون بنجه چوق ایی اولان اساسه مهم کدیگر آچیلمشدرکه ، بو کدیگر دن بریسیده بودر . بوراده دیپلوماسی اولمایانلره ، شیمدی آرقداشمک بیان بووردنی وجهله ، ماضیده کی تداویلرده نقصانلری دخی کوزوکش اولانلره بویله آچیلمش بر قابو بر اقیلماملی . حالبوکه بونک حکمتی ، لزومی ، فائده سی نه درکه قونمش ، ایضاحی رجا ایدیورم .

صحه وکیلی دو قوتور رفیق بک — اورتاده حکمتدن فائده دن باشقه بر حق موجوددر . اون سنه دنبری مستمراً دیشجیلکه مشغول وثیقه لی ، پرایسیهن دیشجی ایوم یکر می درت کشیدن عبارتدر . اون سنه دن نقصان دیشجیلکه ایله مشغول وثیقه لی پرایسیهن دیشجی اوتوز طقوز کشیدر . هیئت عمومی آلتش اوچ کشیدر . بو آلتش اوچ کشی پی امتحان دن کچوروب تصفیه ایتک ایچون بو ماده پی قویوروز .

آچورا اوغلی یوسف بک ( استانبول ) — اون سنه دن فضله واون سنه لکدر ایچون نه یاپاچسکز ؟ صحه وکیلی دو قوتور رفیق بک ( استانبول ) — النده کی وثیقه به باقاجنز .

آچورا اوغلی یوسف بک ( استانبول ) — بونک فائده سی نه در . نیچون امتحانه تابع طومبورسکز ؟

صحه وکیلی دو قوتور رفیق بک ( استانبول ) — مجلس عالی آرزو ایدرسه امتحان ایچون ده بر قید قور . فقط اون سنه دنبری اجرای صنعت ایتسی ، کندیسی ایچون کافیدر . بوراده شخصک بر حق واردرکه ، بز اوئی نظر دفته آلیوروز .

حق طارق بک ( کیره سون ) — افندم ؛ ۳۲ رنجی ماده ده مستمراً ومنحصراً تعبیرلری واردر . بوماده نک

ویریله جکدر صورتنده می معامله یاپیله جقدر . صحه وکیلی رفیق بک ( استانبول ) — بویله برشی یوقدر . بو ۳۲ رنجی ماده بر تصفیه ماده سیدر . یعنی ۳۲۵ ده آچیلمش اولان دیشجی مکتبک کشادینه قدر ویرلش اولان وثائقه جراحلره وسائرده مدیریت عمومیه زماننده ویرلش اولان وثیقه لر طوبلانمق صورتیله تصفیه به تابع طوتولویور : بوراده بک افندینک بو یوردینی کبی بر شیئی نظر دفته آلاماق . اون سنه دن فضله اجرای صنعت ایتدیکنه دائر وثائق کوسترنلر ، امتحانه تابع طوتولمسزین اللرینه وثیقه ویریله جکدر . بونلرک هیئت عمومی سی ده چوق آزد ، آز بر یکونه بالغ اولمقددر . عبدالله بک ( طربزون ) — او حالده بو اون سنه ظرفنده وقوعاتی اولانلر ، بلکه مکرر وقوعات یاپمش و جزا کورمش اولانلر ایچون بر قید یوقدر .

صحه وکیلی رفیق بک ( استانبول ) — بونلر قوتورل آلتنده درلر و بونلرک باجمله وقوعاتی بزجه مضبوطدر . عبدالله بک ( طربزون ) — وقوعاتی اولانلری چیقاریور میسکز ؟ بو خصوصه دائر بر قیدیوق . یعنی وثیقه ویرمک ایسته دیککز بر دیشجی اجرای صنعت ایتدیکی او اون سنه ظرفنده فنا صنعت اجرا ایتدیکی ایچون بر وقعه سی کچمش و بلکه عدلیه به دوشمشدر . بو کیلری اون سنه مستمراً اجرای صنعت ایتشدر دیه رخصته تابع طوناجم میسکز ، طومیه جمعیسکز ؟

صحه وکیلی دو قوتور رفیق بک ( استانبول ) — اولجه یاپدینی بو معامله دن دولایی جزاسی کورمشمی ؟ عبده بک ( طربزون ) — کورمشدر . صحه وکیلی دو قوتور رفیق بک ( استانبول ) — او حالده نه یایمق لازمدر ؟

عبده بک ( طربزون ) — چیقارمق لازمدر . وثیقه ویرمه مک ویا خود بر قید قویمق لازمدر . آچورا اوغلی یوسف بک ( استانبول ) — افندم . قانون ، غایت کوزل بر قانوندر و صیقی طوتونمش بر قانوندر . برنجی ماده سنده عمومی پرنسب اوله رق

قادیرسون! قبول ایدلشدنر . ۴۱نجی مادہ یی بوتصحیح وجهله رایہ عرض ایدیورم . قبول ایدنلر لطفاً ال قادیرسون! قبول ایتمینلر ال قادیرسون! قبول اولونمشدر .

مادہ ۴۲ — بوقانونک احکامنه توفیقاً اجرای صنعتہ صلاحیتی اولمایان ویا هر نه صورتله اولورسه اولسون اجرای صنعتدن ممنوع بولنان بر طیب ویا دیش طبیی ویاخوددیشجی دیشجیلک صنعی اجرا ایدرسه اون لیرادن یوز لیرایه قدر خفیف جزای تقدی ایله محکوم ایدی لیر . رئیس — مطالعه یوقدر افندم مادہ یی رایہ عرض ایدیورم، قبول ایدنلر ال قادیرسون! قبول ایتمینلر ال قادیرسون! قبول اولونمشدر .

مادہ ۴۳ — بر دیش طبیی ویا دیشجینک متعدد یرلرده معاینه خانه آچهرق اجرای صنعت ایتسی ممنوعدر . رئیس — مطالعه یوقدر افندم . مادہ یی رایہ عرض ایدیورم . قبول ایدنلر لطفاً ال قادیرسون! قبول ایتمینلر لطفاً ال قادیرسون! قبول ایدلشدنر .

مادہ ۴۴ — یکریمی طقوزنجی مادہ ده حدودی کوستریلن اجرای صنعت صلاحیتی تجاوز ایدن ویا ۳۳،۳۵،۳۶،۳۷،۳۹،۴۰نجی مادہ لر احکامنه رعایت ایتمین دیش طبیی ویا دیشجیلر بش لیرادن الی لیرایه قدر خفیف جزای تقدی ایله جزالاندیریلیر .

رئیس — مطالعه یوقدر افندم . مادہ یی قبول ایدنلر لطفاً ال قادیرسون! قبول ایتمینلر ال قادیرسون! قبول اولونمشدر .

مادہ ۴۵ — آغیر حبس ویش سنه دن فضله حبس ویا مؤبدأ خدمات عامه دن ممنوعیت ویا مسلك و صنعتی سوء استعمال صورتیله ایشلمش اولان بر فعلدن دولایي ایکی دفعه محکمه جه مسلك و صنعتک تعطیلی جزاسیله محکوم اولان ویا اجرای صنعته مانع و غیر قابل شفا بر مرض عقلی ایله معلول اولدینی بالمعاینه تبین ایدن دیش طبیی و دیشجیلر صحیه و معاونت اجتماعیه وکالتنک تکلیفی و عالی دیوان حیثیت قراریله اجرای صنعتدن منع اولنور .

مادہ ۳۹ — اصول ونظامنه توفیقاً کتساب ایدلشدنجه هیچ بر دیش طبیی ویا دیشجی تعلیم و تدریسه دلالت ایدن ویا هر هانکی صورتله اولورسه اولسون حقیقته توافقی ایتمین بر صفت و عنوانی اعلان ایده مز .

رئیس — مطالعه یوقدر ، مادہ یی قبول ایدنلر ال قادیرسون! قبول ایتمینلر ال قادیرسون! قبول ایدلشدنر .

مادہ ۴۰ — اجرای صنعت ایدن دیش طبییبری و دیشجیلر خسته قبول ایتدکری محل ایله معاینه ساعتزینی بیلدیره ن اعلانلر ترتیننه مآذون اولوب دیکر صورتلرله ره قلام وسائرہ یا عملاری ممنوعدر .

رئیس — مطالعه یوقدر ، مادہ یی قبول ایدنلر ال قادیرسون! قبول ایتمینلر ال قادیرسون! قبول ایدلشدنر .

مادہ ۴۱ — دیپلوماسز ویا رخصتنامه سز اوله رق جر منفعت ایچون اولسه دخی دیشجیلک صنعی یایان وهر هانکی صورتله اولورسه اولسون دیش تداویسی و دیشه عائد سائر مداخله لر اجرای ایدن کیمسه نک اجرای صنعتنه ممانعت ایدلشدن بر اراون بش کوندن اوچ آیه قدر حبس جزاسیله مجازات اولنور . بو صورتله اجرای صنعتدن متولد اولوق اوزره جزایی مستلزم بر فعل ایقاع ایدلمش اولدینی تقدیرده تورک جزا قانوننه توفیقاً باشقه جه تعقیبات یاپیلیر .

صادق بک (بالیکسر) — افندم ؛ عدلیه انجمنی نامنه عرض ایدیورم . مادہ ، دمیسی عرض ایتدیکم شکله تصحیح ایدیلک لازمدر . یعنی (مجازات اولنور) جمله سندن سوکره کی جمله ) بو صورتله اجرای صنعت نتیجه سنده تورک جزا قانونی اعتباریله ده آغیر جزایی مستلزم بر فعل ایشلمش اولدینی تقدیرده او فعله مخصوص جزا ویریلیر ) شکنده تصحیحاً یازیلماقدر .

رئیس — دیکر مادہ لرده کی تصحیح وجهله دکلی افندم ؟

صادق بک (بالیکسر) — اوت افندم . رئیس — افندم ، بوتصحیحی رایہ عرض ایدیورم، قبول ایدنلر لطفاً ال قادیرسون! قبول ایتمینلر ال

کلمہ سندن سوکرہ کلن سطرلرک ننجی سطرده کی «دیشجیلر»  
کلمه سنه قدر طیبینی تکلیف ایدرم .

استانبول مبعوثی  
آچقورا اوغلی یوسف

رئیس — یوسف بک تقریرلرینه عائد اسبابی ایضاح  
ایتدیلر . بناءً علیه ، تقریری نظر مطالعه به آلانر ال  
قالدیرسون ، نظر مطالعه به آلمايانر ال قالدیرسون ، نظر  
مطالعه به آلمشدر ، بوماده بی تقریرله برابر انجمنه ویرییورز  
افندم .

ماده ۳۳ — اوتوز ابکنجی مادهده یازیلی اولان  
مساعده لی دیشجیلر دیش طیبینی عنوانی قوللانمه مآذون  
اولمایوب آنجق دیشجی اسمنی طاشیه بیلیرلر .

رئیس — مطالعه یوقدر ، ۳۳ ننجی ماده بی قبول  
ایدنر ال قالدیرسون ، قبول ایتمه ینر ال قالدیرسون ، قبول  
ایدلمشدر .

ماده ۳۴ — طیبیلر دیش چکمه که ویشتر اوزرینه  
ابتدائی تداوی تطبیقنه ویش اتلرینه عائد هر نوع  
خسته لقلری تداوی به مآذون ایسه لرده دوغریدن دوغری به  
دیشجیلک ایتمک ایسته یین واوصورنله اجرای صنعت  
ایتدیکنی اعلان ایدن برطیبب همه حال دیشجی مکتببنجه  
ویراش بر رخصتنامه بی حامل اولمالیدر . رخصتنامه برسنه  
مدتله دیشجی مکتبته دوام ایله تطبیقات کوردکن  
سوکره بالامتحان اعطا اولنور .

رئیس — مطالعه یوقدر ، ۳۴ ننجی ماده بی قبول  
ایدنر ال قالدیرسون ! قبول ایتمه ینر ال قالدیرسون !  
قبول ایدلمشدر .

ماده ۳۵ — دیش طیبیلری و دیشجیلر اجزاخانلر  
قانوننه متفرع تعلیماتنامه ده کوستریلن موادی رجته ایله  
اجزاخاننن آلایلیرلر . رجته ایله آلیناسی مجبوری  
اولوبده سالف الذکر تعلیماتنامه ده مندرج اولمایان ماده لری  
محتوی رجته یازمازلر .

احمد حمدی بک ( یوزغاد ) — افندم ! ۳۲ ننجی  
مادهده دیشجیلرک ناصل آدام اولدقلری کافی درجهده

دیگر بر انجمنده قبول ایدیلن شکلی ، ( منحصراً )  
تعبیری رینه ( مستقلاً ) کلمه سنی احتوا ایتمشدر که ؛  
دها موافقدر . بناءً علیه ، ( منحصراً ) رینه ( مستقلاً )  
قویملیدر .

صحیه وکیلی دو قور رفیق بک ( استانبول ) — اساساً  
لایحه نك اصلنده مستمراً و مستقلاً شکلنده ایدی ، عدلیه  
انجمنبنجه بو ( منحصراً ) کلمه سنه تحویل ایدلمشدر . اگر  
مجلس عالی آرزو ایدرسه — که بزده اوکا طرفداررز —  
ینه ( مستقلاً ) شکلنده اولایلیر .

رئیس — افندم ؛ بوتعدیلی عدلیه انجمنی یامشدر ،  
مطالعه سی نه در ؟

عدلیه انجمنی نامنه احمد ساقی بک ( آنطالیه ) — بو  
( مستقلاً ) کلمه سنی انجمنده قبول ایدیور افندم .

رئیس — افندم ! انجمن ( منحصراً ) کلمه سی رینه  
( مستقلاً ) کلمه نك اقامه سنی قبول ایدیور و وکیل بک  
ده عینی تکلیفی در میان ایتدیلر . تنسیب بیوریلورسه ،  
بوراده کی ( منحصراً ) کلمه سی رینه ( مستقلاً ) کلمه سنی  
قویالم ؟ ( موافق سسلری )

بسم آتالای بک ( آقسرائ ) — بنده کنزک نقطه  
نظریمی حقی طاروق بک افندی بیان بو یوردیلر ، یالکز  
بنده کنز علاوة شونی عرض ایتمک ایسته رم : اون سنه  
مدتله اجرای صنعت ایتدیکی آکلایشیلان برذات تکرار  
امتحانه تابع طوتولسه فنا اولماز ظن ایدرم ؟ ( های  
های سسلری ) ناحیه مرکز لرنده هم بر بک یاپار ،  
همده دیشجیلک یاپار ، بو روشقه ابراز ایدرسه نه اولاجق ؟  
اونک ایچون بونلری ده امتحانه تابع طوتالم .

آچقورا اوغلی یوسف بک ( استانبول ) — بنده کنزک  
تکلیفم ، هپسنک امتحانه تابع طوتولماسی در . بونک  
ایچونده بر تقریر ویریورم .

رئیس — باشقه مطالعه یوقدر بر تقریر واردر  
اوقوناجقدر :

ریاست جلیله به

۳۲ ننجی ماده نك ایککنجی سطرنده کی « دیشجیلر »

رخصتنامه تاریخ و نومرو سنی و معاینہ خانہ اتخاذ ابتدائی  
یری حاوی براخبارنامہ پی او محکمہ اک بویوک صحیہ  
مأمورینہ ویرمکہ مجبوردر . معاینہ خانہ تک نقلی حالندہ  
اک آز یکریمی درت ساعت اول نقل کیفیتی اخبار  
ایده جکدر .

رئیس - مطالعه یوقدر . مادہ پی قبول ایدنر ال  
قالدیرسون! قبول ایتمہینر ال قالدیرسون! قبول ایدلشدر .  
مادہ ۳۷ - اون بشنجی مادہدہ ذکر ایدلن اطبا  
اوطہلری منطقہ لرنده اجرای صنعت ایدن ویا مأمور اولان  
دیش طبیلری و دیشجیلر اوطہ انتخابانہ اشترکہ و اوطہ لره  
داخل اولمہ مجبوردر لر . منطقہ داخلدہ اجرای صنعت  
ایدن دیشجی عددی یکریمی پی متجاوز اولان یرلردہ  
اوطہ لک دیوان حیثیتلرینہ بر دیش طبیی اعضا انتخاب  
اولونور .

صحیہ وکیلی دوقتور رفیق بک (استانبول) - افندم!  
مادہدہ کی (اوز، بشنجی) کلہ سی (اون دردنجی) اولاجقدر .  
برده سو کده (منطقہ داخلندہ اجرای صنعت ایدن دیشجی)  
دنیور، (دیش طبیی و دیشجی) دنیلہ جک یعنی (دیشجی) دن  
اول (دیش طبیی) علاوہ اولونہ جقدر .

رئیس - افندم، مادہ پی بوتصحیح وجهہ رأیہ عرض  
ایدیورم، قبول ایدنر ال قالدیرسون! قبول ایتمہینر ال  
قالدیرسون! قبول ایدلشدر .

مادہ ۳۸ - دیش طبیلری و دیشجیلر حقندہ طبییلر  
ایچون اولدینی کی مجازات انضباطیہ ترتینہ اوطہ لری دیوان  
حیثیتلری صلاحیتداردر . بو خصوصہ طبییلر حقندہ کی  
احکام عیناً جاریدر . عالی دیوان حیثیت قراریلہ موقہ  
اجرای صنعتن منع ایدیان دیش طبیلری و دیشجیلر  
بومدت ظرفندہ اجرای صنعت ایده مز . عالی دیوان  
حیثیت قرارلری علاقہ دارلرجه معلوم اولمق اوزرہ صحیہ  
ومعاونت اجتماعیہ وکالتی طرفندن مناسب صورتلرله  
اعلان اولونور .

رئیس - مطالعه یوقدر، مادہ پی قبول ایدنر ال  
قالدیرسون! قبول ایتمہینر ال قالدیرسون! قبول ایدلشدر .

ایضاح ایدلشدر . بندہ کز ایضاحات ویرمہ جکم . یالکر  
بونلرک ایچندہ اوقویوب یازما یانلر اولدینی ایچون، رچنہ  
یازمالری، اجزاخانہ لردن علاج آلمالری دہ ممکن و جائز  
دکدر . بناء علیہ، دیشجیلر کله سنک طینی تکلیف  
ایدیورم .

صحیہ وکیلی دوقتور رفیق بک (استانبول) - افندم!  
۳۳ نجی مادہ مجلس عالیجه تعدیل ایلدی . بونلر  
امتحانہ تابع طوتولاجقدردر . امتحانہ تابع طوتولقدن  
صوکرہ آرتق رچنہ یازما یانلر بالطبع او امتحانده موفق  
اولمازلر . بناء علیہ بوکا لزوم یوقدر، قالمالیدر و بر  
مخزوری دہا واردر، بو صورتلہ امتحانہ تابع اولوب  
دیشجیلکی برحق مکتسب اولارق قرانانلری دہ دیش  
طیبیلرینک نفوذ و تأثیری آلتنہ وضع ایتمش اولوروز .

احمد حمدی بک (یوزغاد) - اوقویوب یازمق  
بیلوب بیلمدکری دہ تدقیق ایدیله جکمیدر، صورولاجقمیدر؟  
(خندہ لر) .

افندم! سؤالی ایضاح ایدهم . اون سنہ دیشجیلک  
صنعتی مستمراً ایفا ایدنرہ صحیہ وکالتدن مأذونیت  
وبریلہ جکدی، بونلرک ایچندہ اوقویوب یازمق  
بیلمینلر واردی، شمدی اون سنہ نظره آلینایہرق عجبا  
بونلر دیش جکمکی بیلرلری، بیلمزلمی دیہمی امتحان  
ایدیلہ جکلر، یوقسہ بر دیش طبیی کی امتحانہ پی تابع  
اولاجقدر؟

صحیہ وکیلی دوقتور رفیق بک (استانبول) - بالطبع  
افندم، بوغایت طبیی در . نظری اقسامندن عملی اقسامنہ  
قدر بر امتحانہ تابع طوتولاجقدر دیمکدر . بوغایت طبیی در .  
احمد حمدی بک (یوزغاد) - تهریریمی کری آلیورم .  
رئیس - بشقہ مطالعه یوقدر، مادہ پی عیناً قبول  
ایدنر ال قالدیرسون! قبول ایتمہینر ال قالدیرسون!  
قبول ایدلشدر .

مادہ ۳۶ - بر محللہ صنعتی اجرا ایتمک ایستہین  
بر دیش طبیی ویا دیشجی اجرای صنعتہ باشلا دیغندن  
اعتباراً اعظمی بزہفتہ ظرفندہ اسم و هویتی دیپلومہ ویا



رخصتنامه تاریخ ونومروسی ومعاینه خانه اتخاذ ایستدیک  
یری حاوی براخبارنامه یی او محک ال بویوک صحیہ  
مأمورینہ ویرہ کہ مجبوردر . معاینہ خانہ نک نقلی حالندہ  
الک آزیکریمی درت ساعت اول نقل کیفیتی اخبار  
ایده جکدر .

رئیس — مطالعہ یوقدر . مادہ یی قبول ایدنر ال  
قالدیرسون! قبول ایتمہ ینر ال فالدیرسون! قبول ایدلشدر.  
مادہ ۳۷ — اون بشنجی مادہ دہ ذکر ایدیان اطبا  
اوطہ لری منطقہ لرندہ اجرای صنعت ایدن ویا مأمور اولان  
دیش طیبیلری ودیشجیلر اوطہ انتخابتہ اشتراکہ و اوطہ لرہ  
داخل اولمغہ مجبوردر لر . منطقہ داخلدہ اجرای صنعت  
ایدن دیشجی عددی یکریمی پی متجاوز اولان یرلردہ  
اوطہ لری دیوان حیڈتیرینہ بر دیش طیبی اعضا انتخاب  
اولونور .

صحیہ وکیلی دوقتور رفیق بک ( استانبول ) — افندم!  
مادہ دہ کی ( اور، بشنجی ) گلہ سی ( اون دردیجی ) اولاجقدر .  
بردہ صوبکہ ( منطقہ داخلندہ اجرای صنعت ایدن دیشجی )  
دنیور، ( دیش طیبی ودیشجی ) دیلہ جک یعنی ( دیشجی ) دن  
اول ( دیش طیبی ) علاوہ اولونہ جقدر .

رئیس — افندم، مادہ یی بوتصحیح وجهہ رأیہ عرض  
ایدیورم، قبول ایدنر ال فالدیرسون! قبول ایتمہ ینر ال  
فالدیرسون! قبول ایدلشدر .

مادہ ۳۸ — دیش طیبیلری ودیشجیلر حقندہ طیبیلر  
ایچون اولدیغی کی مجارات انضباطیہ ترینہ اوطہ لر دیوان  
حیڈتیلری صلاحیتداردر . بوخصوصدہ طیبیلر حقندہ کی  
احکام عیناً جاریدر . عالی دیوان حیڈت قراریلہ موقہ  
اجرای صنعتدن منع ایدیان دیش طیبیلری ودیشجیلر  
بومدت طرفندہ اجرای صنعت ایده مز . عالی دیوان  
حیڈت قرارلری علاقہ دارلرجه معلوم اولمق اوزرہ صحیہ  
ومعاونت اجتماعیہ وکالتی طرفندن مناسب صورتلرلہ  
اعلان اولونور .

رئیس — مطالعہ یوقدر، مادہ یی قبول ایدنر ال  
فالدیرسون! قبول ایتمہ ینر ال فالدیرسون! قبول ایدلشدر .

ایضاح ایدلشدر . بندہ کنز ایضاحات ویرمیہ جکم . یالکز  
بونلرک ایچندہ اوقویوب یازما یانلر اولدیغی ایچون ، رچتہ  
یازمارلی ، اجزای خانہ لر دن علاج آلمارلی دہ ممکن و جائز  
دکلدر . بناء علیہ ، دیشجیلر گلہ سنک طیبینی تکلیف  
ایدیورم .

صحیہ وکیلی دوقتور رفیق بک ( استانبول ) — افندم!  
۳۲ نجی مادہ مجلس عالیجہ تعدیل ایلدی . بونلر  
امتحانہ تابع طوتولا جقدردر . امتحانہ تابع طوتولقدن  
صوبکہ ارتق رچتہ یازما یانلر بالطبع او امتحانہ موق  
اولامازلر . بناء علیہ بوکا لزوم یوقدر ، فالملیدر و بر  
محدوزی دہا واردر ، بو صورتلہ امتحانہ تابع اولوب  
دیشجیلکی برحق مکتسب اولارق قارانانلری دہ دیش  
طیبیلرینک نفوذ و تأییری آلتہ وضع ایتمس اولورز .

احمد حمدی بک ( یوزعاد ) — اوقویوب یازمق  
بیلوب بیلمدکلری دہ تدقیق ایدیله جکمی در، صورولا جقمیدر؟  
( خندہ لر ) .

افندم! سؤالی ایضاح ایدهیم . اون سنہ دیشجیلک  
صنعتی مستمراً ایفا ایدنرہ صحیہ وکالتدن مأذونیت  
وبریلہ جکدی ، بونلرک ایچندہ اوقویوب یازمق  
بیلمینلر وارذی ، شمندی اون سنہ نظرہ آلیماہ رق عجبا  
بونلر دیش چککمکی بیلیرلری ، بیلمزلرنی دیہمی امتحان  
ایدیله جکلر ، یوقسہ بر دیش طیبی کی امتحانہ می تابع  
اولاجقدر ؟

صحیہ وکیلی دوقتور رفیق بک ( استانبول ) — بالطبع  
افندم ، بوغایت طیبی در . نظری اقسامندن عملی اقسامنہ  
قدر ترا امتحانہ تابع طوتولا جقدر دیمکدر . بوغایت طیبی در .  
احمد حمدی بک ( یوزعاد ) — تقریری کری آلیورم .  
رئیس — بشقہ مطالعہ یوقدر ، مادہ یی عیناً قبول  
ایدنر ال فالدیرسون! قبول ایتمہ ینر ال فالدیرسون!  
قبول ایدلشدر .

مادہ ۳۶ — بر محلدہ صنعتی اجرا ایتمک ایستہ ین  
بر دیش طیبی ویا دیشجی اجرای صنعتہ باشلا دیغندن  
اعتباراً اعظمی بز ہفتہ طرفندہ اسم وھویتنی دیپلومہ ویا